

表忠錄

一
函
一
冊
函

光緒壬寅江陰

金氏栗香室刊

序

古之王者膺天命撫有方夏必表揚先代帝王君臣賢士與夫忠勇義烈卓卓可稱者攷其祠墓所在著之祠典令有司以時葺護所以闡揚風化昭示來許俾天下咸知爲善之可慕維名教於不敝者也

國家典禮隆備以風教之柄屬之禮部禮部總其成而分寄其責於各督撫學政督撫學政非親民之官仍責之守令守令者風教之所自始也然而知其意者絕少

夫錢穀出納刑獄比斷考成之所繫也簿書期會趨蹌
應對毀譽之所應也彼其疲精勞神役役於刀筆筐篋
之間而猶恐不給又焉知風教爲何如事若夫春秋祠
祭典禮無鉅細一委諸吏吏曰某日當有事於某所則
冠帶而往卒事而返渺不知其爲誰氏之鬼也椽傾瓦
裂碣斷蕪荒前之人莫之或恤後來者視爲固然則稍
湮滅矣著於功令者猶尙如是况能搜攷其幽潛未
發者哉賈生曰移風易俗使天下回心而嚮道類非俗

吏之所能爲也絕可慨也宋和州防禦使劉公師勇戰績甚盛以憂憤卒于海上所謂卓卓可稱者也光緒十七年辛卯江陰金運同漕生先生權赤溪直隸廳事攷知公墓在廳治銅鼓山側稽之史冊證之諸家集錄參之鄉人之誦說著爲表忠錄一卷嗚呼可謂勤矣夫怠廢其所本有者而沒之與勤搜其所本無者而顯之於賢不肖何如也先生善詩古文辭著書數十種皆必傳於後無疑而居官尤以風教爲亟然後知識治化明大

體者必在風雅之士彼齷齪者果不足與有爲也先生
不以余爲不肖命書其簡首乃不敢辭光緒二十八年
冬十月陽湖孟瑤容生

表忠錄者江陰金澐生同轉官廣東赤溪時傳宋和州
防禦使劉師勇墓在所治銅鼓山以謂宋史所稱鼓山
卽此湮久矣爲甄而祠之旣歸又綜其事實加以攷證
著之詩詞以詒當世繼聲者皆錄焉蓋師勇嘗攻執元
安撫戴之泰等於常州而偕姚訔入守數戰城下卒不

支袂圍從二王海上奇零末運勢無可爲憂憤縱酒以
死故錄曰表忠嗟乎同轉於此得不謂之有心人乎今
光緒二十七年辛丑也間者二三臣不學震技擊邪術
如所謂金鐘罩鐵布衫者奉以爲奇貨憤憤然舉

祖宗櫛風沐雨旰食宵衣三百年苦心經營之天下爲
孤注一擲數十日內內訌紛然乘以外侮

六飛西幸

宗廟

陵寢至不忍言成振古未有之奇變其可憂憤爲何如
而非敵所索寥寥數臣外死者誰哉卽同轉惡得而表
之哉夫天下之亡不亡於覆軍殺將而亡於人心今天
下孰非臣子而如蟻赴羶教猱升木以還賊君父有並
狗彘不如者同轉是錄殆以愧厲天下之人之心且自
寄憂憤雲不敢目爲好事輒茹痛書其簡端以爲之序
師勇廬州人宋史附張世傑傳武臣耳上元顧雲石公
夫積聾之俗聞疾霆而歛容膠睫之夫值元曜而恍覩

靈藥在手飲甚疾于不斟迷穀佩胸辟潛行于不若天
地立紀倫常有道舉綱自能張目陳古奚待侈今是編
之刻金子固志在闡幽亦義存風世也表忠之俎豆宜
崇不忠之斧鉞攸寄厥旨甚微所係乃大讀者可憬然
悟穆然思矣劉公始列材官終膺專閫李廣克敵人號
如飛張巡守城士終不屈逮至馬革入地有志未償龍
髯墜天此身隨殉方之正氣成歌赴海畢命當無媿色
殆有同心千秋之義烈昭垂百代之英靈颯爽風淒箭

塔遺蹟何存雲冷鼓山封碑未勒吾謂金子蒐討遺集
彙萃成書別有千古非止一端聖道匪衰或惑于橫議
陽綱不振偶剝于羣陰慨世道之淪夷冀天心之厭亂
冠履豈容倒置弁髦詎可輕棄識共主于閭閻尊無二
上辨等威于殿陛撫有兆民十羊九牧非計之得二君
一民於道終乖鼎非可以遽遷權當止其旁落所期復
古無事更新環衛辰居譬眾星之共北翹瞻午位有大
地之指南光緒二十九年秋八月武進徐壽基桂珩

宋和州防禦使劉公事略

劉師勇廬州人

宋史張世傑附傳

其先五世同居孝友雍睦從

兄虎拜合肥郡侯弟師雄師賢皆爲名將

廬州府志劉虎傳師

勇少英銳涉獵經史嘗經江陰悟空寺時烈寒冰血膠

手湯解之射一箭於寺塔意氣慷慨復題詩於壁乃去

元王逢梧溪集

以戰功歷環衛官

宋史本傳包恢平長興

盜師勇與有功授都統制守濠

梧溪集

魯港師潰師勇入

揚州圖再舉

宋史本傳

德祐元年元師渡江逼常州知州趙

汝鑒遁

梧溪集

郡人錢豈以城降

宋史陳炤傳

師勇與張世傑

孫虎臣等大出舟師萬餘艘次於焦山以禦元師與元

阿珠戰敗績

續通鑑

師勇還入衛

梧溪集

賈似道命師勇以

淮兵取呂城

宋史本傳

會淮民王通居常州陰以書約師勇

許爲內應朝議乃以姚希得子豈知常州

宋史陳炤傳

加師

勇安撫使命與副統制王安節分兵助豈守常而以殿

前都統制張彥守呂城旋加師勇和州防禦使

明危素說學齋

集昭先錄序並

師勇總戍兵自鎮江口至

元謝應芳龜巢集姚豈傳

參宋史本傳

遂復常州

宋史王安節傳

攻走錢嘗執安撫戴之泰等遂迎姚

嘗以入

宋史陳炤傳

因其樹柵鑿濠爲扞禦計

梧溪集

張彥與

元師戰失利見執

宋史本傳

呂城失守常州勢益孤

明錢士升南宋

書本傳

元師至置彥城下招降師勇以大義斥彥彥慚而

退又遣范文虎來諭師勇伏弩射走之

宋史本傳

與王安節

胡應炎分門出戰各累大捷殺其將校甚衆元帥唆都

請益師伯顏遂以西域諸部兵來會

明高啟鳬藻集

元師

圍城數重丞相文天祥使尹玉麻士龍等將兵赴援

續通

鑒

連戰不利

梧溪集

殿司及所親藉藉偶語欲進異謀輒

憚師勇忠壯莫敢發言

昭先錄序

有羣鴟飛鳴繞城衆惡爲

不祥

南宋書本傳

無何元師有鴉鵲亡集城上請以善馬金

帛贖之師勇不予

昭先錄序

降臣呂文煥復射書入城喻以

禍福爲流矢所中

梧溪集

招降百端終不聽元丞相伯顏

怒命降人王良臣等役民運土爲壘併人築之

常州府志姚訔

傳

晝夜力攻五十餘日師勇登陴裹創拒戰且曰吾城

卽破金山長矣伯顏因識其語命昇金山寺沙門問計

沙門實無計詭言城狀如龜擊其尾則四足披露矣

梧溪

集

伯顏乃親率廿萬衆抵城下急攻北門將士力戰退

之遂攻南門屬地分將張超離所部謁神祠元師自超

所守處登城城遂破

昭先錄序

嘗戰死安節被執終死不屈

師勇從八騎手殺哨騎數十百騎易其衣以混北軍裨

將張超墮馬師勇斬其頭以給衆曰急追劉都統所向

披靡

梧溪集

遂拔柵踰塹去師勇第墮塹躍不能出師勇

遙舉手與訣轉戰而前

昭先錄

淮軍數千人皆鬪死

宋史本傳

師勇閒道疾走幾危者數

昭先錄序

卒赴行在

梧溪集

與張世

傑蘇劉義等各率所部兵

續通鑑

從二王至海上見時事

不可爲憂憤縱酒卒葬於鼓山

宋史本傳

元初吳城外僧舍

有一老僧長七尺許十餘年未嘗面北坐人詰其姓名

輒不答死之日僧開視其篋笥有師勇官誥殆其騎士

耶嗚呼師勇智略絕人率剝殘之卒以禦百萬之師雖

古雄烈蔑以加此

梧溪集

元師云平江鐵城紙人常州紙

城鐵人以此可見勞苦矣

鄭所南鐵函心史

其軼出重圍可謂

驍將戰之不利天也扈王海上

原文人闡茲依宋史本傳改正

猶昔人

卽墨之志事之成敗君子有不論焉

梧溪集

武祥謹按宋史謂公葬於鼓山明張詡厓山志疑卽

在去厓山百里之銅鼓山山在今赤溪廳治西南五

十里其下舊有公祠俗稱劉太保廟碑文所載殊略

耆舊相傳廟地卽公墓遺址足爲宋史及厓山志之

證廣東通志廣州府志新會縣志均未詳考新甯縣

志并未載及此其疏畧也公既有功於吾常武祥承